

FRIDERICI GUILIELMI III

SERENISSIMI, POTENTISSIMI, CLEMENTISSIMIQUE
BORUSSORUM REGIS

SACRA NATALITIA

A GYMNASIO REGIO BREGENSI

a. d. III Non. Aug. MDCCLXXII Hor. IX a. m.

SOLEMNITER CELEBRANDA

I N D I C T

FRIDERICUS SCHMIEDER,

PHIL. D. GYMN. REG. RECTOR ET PROF.



BREGAE,

Typis Caroli Theoph. Wohlfahrt.

B127E
2

Cum de rebus plurimis homines inter se dissentire sciamus, mirari licet, si rem aliquam per se parvam non iis solum omnibus, quos novimus, sed magnis etiam gentibus placere et placuisse videmus. Neminem ego vidi, dum vivo, quem rosarum odoris dulcedo, tenerorum foliorum rubor, et totius floris sive cum patescere coepit, sive cum apertus foliorum copiam expandit, forma non delectasset. Ubi non sunt rosaria? quorum breve decus si praeteriit, cautum tamen est et oleo liquoreque rosarum odore, et sericis earum colore imbutis, ne oculis et naribus defit dilectum ex rosis oblectamentum. Florem hunc in Europa antiquum, cuius speciem pulcherrimam in Thracia olim progenitam ferunt, etiam gentibus antiquis fuisse in deliciis, nemo nisi antiquitatis litterarum plane rudis ignorat. Ejus laudes canebant poetae, ruborem e Veneris sanguine, cum spinis illa rosae albae inhaesisset, affuso ortum singentes; *factam rosam Cypris de cruento deque amoris osculis dixit auctor Pervigil.* Ven. v. 24; eius nomine res dilectas appellabant Graeci, in proverbio dicentes (vid. Aristoph. Nub. v. 911.) *ρόδα μ' εἴγηνας*, rosas mihi locutus es h. e. rosarum instar amabilia; plena rosarum erant atria Romanorum, qui roseis coronis tempora redimiti convivabantur atque in rosis strati; qui ipsi cupiebant

bant caput in verna semper habere rosa, et, optima quaeque precantes, amicos optabant in aeterna vivere rosa. Quid, quod etiam in mortuos rosas spargerent et sepulcta rosis ornarent, ne vel defuncti comite carent per totam vitam jucundissimo?

Tanto rosarum amore flagrantes quid mirum, si in earum cultura et usu omnem modum egressi fuisse videantur? Namque etiam in rebus, quas per se nemo reprehendere potest, immodici pro ingenio suo non poterant non insanire. Amabant rosas, ut hoc primum, cum de Romanorum moribus scribere pergo, exponam, non suo tempore, sed hieme raras, hinc illinc non sine labore collectas atque aere coemtas. „*Media hieme*, ut refert Lucianus in Nigr. c. 31. *rosis oppalentur*, quas dum rarae sunt et intempestivae, amant; tempestivas et a natura nullo cogente datas tamquam viles fastidiunt.“ Rara juvant; — hibernae pretium sic meruere rosae. Martial. 4, 29, 4.

Si Horat. Carm. 1, 38 morae impatiens et luxuriosum convivandi morem spernens non vult puerum sectari, *rosa quo locorum sera moretur*, sua quidem aetate rosas hibernas in deliciis fuisse, sed nondum effectum prodere videtur, ut media hieme omnis Roma esset rosarum plena. Post saeculum vero Martialis (in Xen. 124 *corona rosea*) dicere poterat:

Dat festinatas, Caesar, tibi bruma coronas;
Quondam Veris erat, nunc tua facta rosa est.

H. e. *bruma*, hiems media, qua, cum Saturnalia celebrarentur, mos erat inter amicos, xenia s. dona mutua mittendi, hiems coronas tibi, Domitiane, dat *festinatas*, rosarum praecocium. Prius erat rosa Veris decus et Veri dicata, cuius etiam statuae imaginesque coronis roseis ornabantur; nunc tua dicatur; tibi enim media hieme rosas cupienti paruit natura.

Virum

Virum doctiss. nuper, in *Sabina* T. 1. p. 253 scripsisse miror, has
brumae coronas non fuisse verarum rosarum sed e cera colorata fi-
ctarum. Veras enim, plantarum hypocaustis festinatas, opinatur cariores
fuisse, quam quiae hieme potuissent Caesari offerri. Non recordatus
erat Vir doct. alius epigrammatis lib. 6, 80, quo Martialis ex hiber-
narum rosarum Romae multitudine occasionem captabat, Domitianum
adulandi:

Ut nova dona tibi, Caesar, Nilotica tellus
Miserat hibernas ambitiosa rosas,
Navita derisit Pharios Memphiticus hortos,
Urbis ut intravit limina prima tuae.
Tantus Veris honos et odoreae gratia Florae,
Tanta Paestani gloria ruris erat.
Sic quacunque vagus gressumque oculosque ferebat,
Textilibus fertis omne rubebat iter.
At tu, Romanae iuslūs jam cedere brumae,
Mitte tuas messes, accipe, Nile, rosas.

Videtur imperator, si recte ex utroque hoc epigrammate conjecturam
facio, inter flores potissimum rosae favisse, licet eam non suo tempore,
sed media hieme concupisceret, pro luxu eius aevi. Iste luxus paul-
latim et maxime imperatoris exemplo, ut sit, ita creverat, ut non
solum rosas hieme florere cogerent, de quo invento paullo post dicam;
sed ex propinquis etiam agris et Italia omni atque vel inde ab Aegypto
ingentem vim rosarum hieme Romanam advehherent. In Italia excelle-
bant ea aetate rosae Paestanae, Tiburtinae, Tusculanae, Praenestinae,
Campanae, quantum ex Mart. lib. 9, 60 videmus; quarum Praenestinam
et Campanam, hanc praecocem, illam novissime desinentem, Romanos
fecisse

fecisse celeberrimas, testis est Plin. H. N. 21, 4. ubi complures alias *rosae species* enumerat. Praenestina habetur pro ea, quam vulgo provincialem (*rose de Provins*) adpellant; campana est, quam *centifoliam* vocant, quae est in Campania Italiae, Graeciae vero circa Philippos, sed ibi non suae terrae proventu; Pangaeus mons in vicino fert, unde accolae transferentes conserunt ipsaque plantatione proficiunt. Campanam vero et paeſtanam diversas fuisse, contra atque Harduinus opinatur, vel inde palam est, quod Paefum ad Lucaniam pertinebat, et quod Martial. l. l. diligenter eas distinxit: *seu tu Paefanis genita es — arvis, — seu modo Campani gloria ruris eras.* Ea virtus erat Paefanarum, ut bis annis singulis florerent, vere et autumno. Hinc biferi *rosaria* Paefi apud poetas, qui et odorem paefanarum prae ceteris laudant, ut Ovid. ex Pont. 2, 4, 28 *calthaque* (fort. calendula) *paeſanas vincet odore rosas* h. e. fient, quae fieri non possunt; et ruborem, ut Mart. 4, 42: *pueri paeſtanis rubeant aemula labra roſis.* Hodie cum ipsa urbe ita interierunt eius *rosaria*, ut ne vestigium quidem inter columnas et parietes ruinosos reperiatur. — Ex hisce et aliis locis tanta *rosarum copia* Romam allata erat, ut Martialis in epigr. supra posito mercatorem aegyptium hieme *rosas* advehentem monere posset: malit *rosas* a Roma accipere, ex Aegypto frumentum advehere. Ut tibi, imperator, *nilotica tellus*, Aegyptus, ubi non tam propter coeli temperiem ut Carthagine Nova, *rosa* hieme tota praecox erat, quam propter regionis naturam, (nam simulac Decembri mense Nili fluctus subsederunt, statim ver floret, quod Aprili sequitur aestas) *rosas* hibernas miserat tamquam dona nova et tam mature numquam accepta, *ambitiosa*, laudem inde captans: derisit nauta, mercator aegyptius patriae suae hortos, ut Romae portas intravit. Epitheta *niloticus*, *memphiticus* a Memphi urbe, *Pharius* a Pharo insula saepe quidem obvia sunt, sed non facile sic *cumulata* lectorem obru-

unt, —

unt. — v. 5. Tantus Romae erat *Veris bonos h. e. florum*, quibus ver ornatum esse solet, tantum vel hieme media decus, et tanta *Florae odore gratia*, florum odore jucundorum suavitas et venustas*), tanta *paeſtani ruris gloria* s. multitudo rosarum in agro paefstano pulcherrimarum et inde Romam missarum, ut *omne iter*, omnes viae, per quas ibat, in quibus circumspiciebat, fertis rosarum flore textis ruberent. Quis est, qui haec de fertis cera factis malit interpretari? — v. 9. Ergo tu, Nile. qui *jussus es, cedere brumae romanae*, cum florum multitudine, Caesare sic jubente, vel media hieme a Roma vincaris, mitte messe tuas, frumentum, ut debes; rosas accipe a nobis. Aegyptus enim Romae per singulos annos quatuor mensium annonam pendebat.

Plantarum hypocauſta, qualia hodie ubique cernuntur, si veteres habuiffent, roſae hibernae fine dubio inter res vilissimas effent numeratae. Si paullo diligentius rem exploramus, ab illis ſtruendis prope eos abfuſſe videmus. Cum citri (quarum ſolum natale Affyriam fuiffe et alia plura de ea arbore vide in Salmas. Exercitatt. Plin. pag. 671 feq.) ex Cilicia in Italianam effent translatae atque eius coelum aegre tolerarent, muniebant eas, ne fortiore hiemis boreaeque aura laederentur, receptaculis ſive hibernaculis, quorum fenefrae lapide ſpeculari

in

*) honorem et gratiam interdum veteres junxerunt, ut Horat. A. P. v. 68 de dignitate et venustate verborum: mortalia facta peribunt; ne dum sermonum ſtet *honos et gratia vivax*; ubi non lego mortalia cuncta, cum Bentleio, ſed facta servo, intelligens τὰ μεγάθη, τὰς πρόξεις ἐπιφανεῖταις. Sic dicuntur Alcidæ facta in Mart. 9, 102, 3. ſic Africani facta et dicta in Somn. Scip. c. I.

in tenues crustas fisto clausae solem admittebant, pruinam nives et ventum excludebant. cf. Mart. 8, 14. Ut praecocem fructum cucumeris haberent, Columella lib. 11, 3, 5^a docet, posse, si sit operae pretium, vasis majoribus rotulas subjici, quo minore labore producantur et rursus intra tecta recipiantur. „Sed nihilo minus specularibus integri debebunt, ut etiam frigoribus serenis diebus tuto producantur ad solem. Hac ratione fere toto anuo Tiberio Caesari cucumis praebebatur.“ Hac etiam ratione non dubito, quin alia plura atque etiam rosae per hiemem non solum custodirentur, sed etiam festinarentur. Sed cum lapis specularis multo majoris esset pretii quam hodie sunt tabulae vitreae, ars illa non poterat nisi in hominum ditiorum hortis exerceri. Quamquam Pompeiis tesserae s. tabularum vitrearum fragmenta reperta esse dicuntur, de usu tamen earum, cuius commemorandi in scriptoribus fere omnibus plurima erat occasio, altissimum est silentium. Tum necessariae sunt ad calorem aptum continuandum fornaces, quibus nos utimur, veteres carebant. Denique Domitiani tempore recens erat et specularium et hypocaustorum in balneis usus, quod Seneca in Epist. 90 his verbis docet: quaedam nostra demum prodiisse memoria scimus: ut speculariorum usum, perlucente testa clarum transmittentium lumen; ut suspensuras balneorum et impressos parietibus tubos, per quos circumfunderetur calor, qui ima simul et summa soveret aequaliter.“ Supererat, ut veteres hypocaustorum et fenestrarum s. lapide speculari s. vitro munitarum usum conjungerent in plantarum hibernaculis. Quod licet non facerent, rosarum tamen florem festinare didicerant. Pallad. lib. 5. Febr. tit. 21. „si rosam temperius habere volueris, duabus palmis ab ea in gyrum fodies [pedali circa radicem scrobe, Plin.] et aqua calida bis rigabis in die.“ Quod stomachum movebat Senecae in Epist. 122: „non vivunt contra naturam, qui hieme

con-

concupiscent rosam? fomentoque aquarum calentium et calorum apta mutatione bruma lilium, florem vernum, exprimunt?"

Uſus rosae, si lectionem vulgatam in Plin. lib. 21, 4 sequimur, *in coronis prope minimus eſt.* *Oleo maceratur, idque jam a Trojanis temporibus, Homero teste.* (Iliad. 25, 186.) *Praeterea in unguenta transit, ut diximus.* (lib. 15. §. 2. pag. 680.) *Per ſe medicas artes praebet.* *Emplastris atque collyriis infirmitur mordaci subtilitate.* *Mensarum etiam deliciis minime noxia.* Harduino ſententia loci haec eſte videtur: *uſus rosae in coronis prope minimus eſt, ſcil. prie ceteris eius utilitatibus; nam et oleo praeterea maceratur etc.* Quod ſi Plinius voluiffet, adverbium *prope* omissurus fuiffe videtur. Deinde, ſive minimum ſive prope minimum dixerit rosarum in coronis uſum, omnis antiquitas obloquitur. Olei quidem rosacei eiusque virium medicarum (Plin. 21, 18 §. 83) paſſim facta eſt mentio, ſed non multa. Inter odores, quibus comam veteres amabant perfuſam, rosae unguentum maxime diuulgatum erat; pulcherrimum adferebatur Cyrenis, ubi rosa florebat odoratissima. Facile etiam credo, eos, qui unguenta vino admifcerent eaque biberent, per ſoloecismum in hoc genere voluptatum, quibus ne uti quidem ſcirent, rosae unguento delicias mensarum perfuſas guſtaſſe; infani pretii ſorbitio, *abortio rosaria dicta*, commemoratur in Suet. Ner. c. 27; *rosato* utebantur, h. e. vino e roſis per iuſtationem facto, quod qua ratione fecerint ſi quibus cordi eſt diſcere, adeant Apicum lib. 1. c. 4 et Plin. lib. 14. §. 19. n. 4. Etiam *patinam de roſis* habebant in deliciis, de qua vid. Apic. 1. 4. c. 2. et ſine dubio alia eius generis. Commemorantur haec paſſim ſed non ita, ut in iis rosae uſum fuiffe maximum credere poſſis. Quare ego in Plini loco ſupra deſcripto aliam lectionem, quamquam in libris scriptis non videtur eſte reperta, contemnere nolim: rosae uſus in coronis prope nimius eſt. Hoc enim veriſſimum eſt et innumeris veterum

testimoniis confirmatur.* Nec obstat ratio grammatica. Postquam Plinius maximum rosae usum in coronis esse praemisit, etiam oleum et unguentum e rosis fieri addit.

Non solis vero diebus festis veteres et aedes privatas et deorum templa, statuas arasque fertis ornabant, atque Bacchi, Musarum et praeципue Veneris, cui rosa erat sacra, tum Cupidinis eiusque comitum et Veris corollas e rosis fere nectebant, sed cum privatim etiam convivarentur, non facile accumbebant, nisi tempora coronis cincti risque potissimum roseis. *Non desint epulis rosae*, praecipit Horatius. Qui mos diu est, quod obsolevit; veteribus erat et antiquissimus et frequentissimus. Cum enim biberent, non ut mero se implerent, sed ut inter jocos aliquas horas hilariter transigerent, *verecundum Bacchum* amantes: rosarum coronis utebantur, ut et odore et vi sua leniter refrigerandi potatorum, quibus caput gravaretur, dolores mitigarent et reprimerent. Erant quidem (Lucian. Nigr. c. 32.) qui coronatos reprehenderent, quod nescirent, qui locus coronis esset aptus. Nam si odore violarum rosarumque delectentur, sub naribus potissimum eas collocandas esse, sub ipsum, quam proxime fieri possit, spiraculum, ut quam plurimum voluptatis inde attrahatur. Sed hoc si vulgo factum esset, saepius etiam medici de coronis scripsissent, quae nocerent capiti. cf. Plin. lib. 21. §. 9. Graeci vero habebant coronas, quas collo circumdarent, *ύποθυμίας*. Utebantur iisdem, qui Romani in deliciis maxime luxuriosi essent, ex. c. Verres, qui amplius etiam faciebat. „Cum rosam viderat, tum incipere ver arbitrabatur; dabat se labori atque itineribus, in quibus usque eo se praebebat patientem atque impigrum, ut eum nemo umquam in equo sedentem videret. Nam ut mos fuit Bithyniae regibus, lectica octophoro ferebatur, in qua pulvinus erat perlucidus Melitensis (e lino melitensi factus) *rosa farta*, ipse autem coronam habebat, unam in capite, alteram in collo, reticulumque ad nares sibi admovebat, tenuissimo lino, minutis maculis, plenum rosae.“ Cicer. Verr. lib. v. c. 11.

Rosarum vero simpliciter nexarum cum tantus esset ubique usus, ut merito diceret auctor carminis inter anacreontea LIIIⁱⁱ: *τι δ' ἀρευ πόδες γένοιται;* accessit etiam novum in earum usu inventum. Cum coronae pluriimae essent *pactiles* (plectiles, textiles) h. e. e floribus foliisque textae, aliae vero *sutiles*, e floribus et foliis consultae, atque iam e foliis 10sis coronae fierent, *καὶ luxuria processit*, ut non esset gratia nisi mero folio

*) cfutur Car. Paschalii *Coronae*, opus x libris distinctum,

folio futilibus, ut Plinius loquitur. Rosarum enim floris folia decerpta squalidatim in philyra, tiliae libro s. tunica interiore consuebantur, scilicet ne capita vino gravia etiam integrarum roscarum pondere premerentur.

Fraeter coronas, cum epularentur, humi et in mensa rosae erant sparsae, atque in pulvillis rosa fastis accumbebant convivae; hinc Seneca: in rosa, in odoribus jacere. Praeterea non potest dubitari, quin multis aliis occasionibus rosa uterentur, quae nobis non facile in mentem venirent, nisi passim aliquo loco in libro antiquo monitis. Ex. c. ex Seneca Ep. 51 sub fin. videmus non raro factum esse, ut Bajis, vitiorum diversorio, ubi plurimum sibi luxuria permittebat, in lacu Lucrino roscarum pleno navigarent. Verba sunt: „Habitaturum tu putas umquam fuisse in ripa*) Catonem, ut praeternavigantes adulteras dinumeraret, et adspiceret tot genera cymbarum variis coloribus picta, et fuitantem toto lacu rosam, ut audiret canentium nocturna convicia?“

Ex tanto roscarum apud veteres honore opinabantur viri quidam docti, proverbium hodie pervulgatum: „haec sint sub rosa dicta“ explicari posse, tamquam ex antiquitate ad nos transierit. Exstant enim versus aliquot incertae aetatis in marmore reperti:

Est rosa flos Veneris, cuius quo fulta laterent,

Harpocrati matris dona dicavit Amor.

Inde rosam mensis hospes suspendit amicis,

Convivae ut sub ea dicta tacenda sciant.

Quorum verborum auctorem et morem e lacunari in coenaculis rosam suspendendi et proverbium illud jocose voluisse explicare videmus. Sed nec mos ille, nec proverbium fuit antiquum. Cf. Wernsdorf Poet. lat. min T. VI. pars 1. p. 181.

*) in ripa lego s. in ulva, quod proprius accedit ad litterarum ductum in vulgarata, quae est in Utica. Intellige villam in ripa et media ulva conditam, cui opponuntur villaes in summis montium jugis.

Das Geburtsfest Sr. Majestät des Königs wird von dem Königl. Gymnasio Sonnabends den 3ten Aug. früh um 9 Uhr im Examensale durch einen Redeactus der ersten Classe in folgender Ordnung gefeiert werden.

Musik und Gesang.

Ferd. Gottl. Langes, aus Brieg, bewillkommnet den festlichen Tag, und spricht dann über das Glück eines religiös-gesinnten Volkes.

Heinr. Jul. Kattner, aus Barottwitz bei Breslau, trägt A. W. Schlegels Gedicht: der Bund der Kirche mit den Künsten, vor.

Ed. Conr. Olawsky, aus Brieg, beantwortet die Frage: wie soll sich die Jugend dem Vaterlande dankbar zeigen?

Gesang.

L. Freund, aus Brieg, spricht über das Andenken an grosse Männer.

Gust. Erdm. Schott, aus Creuzburg, trägt Schubarts Hymnus auf Friedrich den Grossen vor, und

Gust. Leopold von Ohlen, aus Leobschütz, die Entrückung des las Casas, von Engel.

Carl Friedr. Gottf. Lessing, aus Namslau, zeigt, was Schlesien so wohl im allgemeinen als besonders in Rücksicht auf die Cultur der Wissenschaften der Vereinigung mit Preussen zu danken habe.

Musik und Gesang beschließt die Feierlichkeit.

Die Gönner und Freunde des Königl. Gymnasii lade ich hierdurch ehrerbietig ein, das Fest desselben durch ihre Gegenwart zu erhöhen.

Brieg, den 2ten Aug. 1822.


Dr. Friedrich Schmieder,

Das Geburt
Gymnasio Sonna
durch einen Rec
werden.

Ferd. Gottl. Lang
dann über das
Heinr. Jul. Kattne
der Bund der J
Ed. Conr. Olawsl
dem Vaterlande

L. Freund, aus
Gust. Erdm. Scho
Grossen vor,
Gust. Leopold von
Engel.
Carl Friedr. Gottf.
gemeinen als b
einigung mit P

Musik u
Die Gönner un
das Fest desselben
Brieg, den 21



ird von dem Königl.
Uhr im Examensale
der Ordnung gefeiert

lichen Tag, und spricht
W. Schlegels Gedicht:
wie soll sich die Jugend

tosse Männer.
mnus auf Friedrich den
kung des las Casas, von
Schlesien so wohl im all-
Wissenschaften der Ver-

eierlichkeit.
hierdurch ererbietig ein,
b Schmieder,